

# آذربایجان عاشیق‌لاری و قیرخ «دورونبو آوینیون فستیوالی»

صمد شفیع زاده

کنچیریلن هر بیر فستیوال، شبه سیز کی تاماشاچیلارین اوستونده درین تأتیر بوراخیر. هر فستیوالدا گوستریلن اثر، تاماشاچیدا رغبت اویندیریر و تاماشاچی، او اثرلردن الهام آلاق، اؤزونون جسمی و معنوی نقصانلاری ایله آرتیق تانیس اولور، چونکی حقیقی بیر هنرمند، اؤز به ینلیک، یوخسوللوق، یالانچی مؤنلیک، عیاشلیق، پول پرستلیک، لوغالیق، جاهل لیک و باشقا بو کیمی عیبه جرلیکلری اؤز اثرلرینده افشاء ائدیر. خلقی نین آرزو و دیلک لرینی اؤز اثرلرینده عکس ائتدیره ن بیر شاعر و یا یازیچی، شبه سیز کی بؤیوک اینام و ایمان و صاف وجدانلا اؤز صنعتینه باغلی دیر. اینجه صنعتین یوکسه لیشی ده تمیز وجدانلار و ایمانلارین نتیجه سینده ممکن اولایلر. اینجه صنعتی سئویب، اؤنونده اگیلب اونا تاپینماق (پرستش اتمک) و اونا قارشی محبت بسله مک، سارسیلماز بیر اینام طلب ائدیر. هر بیر هنرمند، بیر وطن سئو ره کیمی اؤز دؤورو ایله محکم باغلی اولمالیدیر. او، صنعتی ایله جانلی صورتده دؤورونون ضدیتلرینی اولدوغو کیمی گؤسترمه لیدیر. او، حیاتدا گوردوگونو اؤز اثرلرینده عکس ائتدیردیگی حالدا، بدبخت لیگین، ظلمون و عدالتسوزلیگین سببلرینی گؤیلرده دگیل، یئرلرده، حیاتدا، انسانلارین معنویتینده آختارمالیدیر. اؤلکه میزده هنر؛ پول، مقام، شهرت و... اوچون دگیل، بلکه هنر، جامعه و انسانلار اوچون یئنی بیر معنا تاپیدیر، بونا گوره ده تحقیقاتچیلاریمیز، ایران اینجه صنعتی نین کؤکلرینی آراشدیریب، یئنی سبک لر یاراتمالی دیرلار... بو ایمل دؤوردونجو ایلی کنچیریلن آوینیون فستیوالی، ایرانلی هنرمندلرین اشتراکی ایله داها آرتیق اهمیت قازانمیشدیر. چونکی ایران، بو بؤیوک فستیوالدا ایلك دفعه اولراق اشتراک ائدیر. و بو عمل انقلابدان سونراکی غرب تبلیغات اورقانلاری نین ایران علیه نه آپاردیغی عکس تبلیغاتلارین یالان و بهتان اولدوغونو گؤسته ریر. بو ایمل، آوینیون فستیوالیندا، ایراندان ایکی سئچیلیمیش و باجاریقلی گؤستریش (نمایش) گروهو ایله (تعزیه و قولچاق) یاناشی، بیر نچه یئرلی و ملی موسیقی دسته سی، هابثله زورخانا پهلووانلاری دا اشتراک ائتدیلر. آوینیون بوتون هنرمندلر و اینجه صنعت سئو ره لر اوچون تانیمیش بیر یئردیر. هر ایمل هنرمندلردن باشقا، مهارتلی تنقیدچیلر یئنی اینجه صنعت اثرلرینی گؤرمک اوچون بو شهره گلیرلر. آوینیون حاققیندا دانشماق بو آسانلیقدا دگیلدیر. بو شهر و فستیوالی حاققیندا چوخلو سؤز - صحبت لر دئلمیشدیر. هر ایمل فرانسه و باشقا اؤلکه لردن اولان تنقیدچیلر بو حاقدا چوخلو مقاله یازیرلار. آوینیون فستیوالی، یارانماسیندان اعتبارا فسونکار و غیر عادی بیر "ایده" کیمی ظاهر اولدو. "رنه شارت" و "کریستین زروو" معاصر هنر حاققیندا بؤیوک بیر سرگی قورولماسی مناسبتی ایله "زون ویلار" دان ایسته ییرلر کی بیر گؤستری اجرا ائتسین. ویلار اولجه بو خواهشی رد ائدیر، آنجاق سونرا بو تکلیفی قبول ائدیر و گؤستری نین اجرایی اوچون پاپ ساراینی سئچیر و بیر هفته نین عرضینده اوچ نمایش اجرا ائدیر. سونرالار، بو سارای گلکه جکده کی گؤستریلر اوچون سئچیلیر. بئله لیکله ده آوینیون فستیوالی یارانیر. موسیقی، سینما و تئاتر، آوینیون قلبینده اؤزونه یئر آچیر. ژان ویلارین اؤلوموندن سونرا دا اؤز ایشینی داوام ائتدیریر. آوینیون فستیوالی نین ساییز طرفدارلاری واردیر. هر ایمل فستیوالین کنچیریلمه سی زامان دا بو بئش یوز مین نفرلیک شهره، اوچ یوز مین نفر قوناق گلیر. "پل پوا" آوینیون شهری نین یارانیشی حاققیندا بئله یازیر: "بیر گون بیر کیشی بیر شهر الهه سی ایله تانیس اولور، بونلار بیر - بیر ینه عاشیق اولوب ائولنیرلر. بئله لیکله ده بو ائولنمه نین حاصلی، آوینیون آدلی بیر اوشاق اولور!" آوینیون فستیوالی ۱۹۴۷-نجی ایلده ژان ویلار واسطه سی ایله قورولدو و او، اؤزو ایگیرمی دؤرد ایمل فستیوالین اجرایی اولدو. ویلار، ایگیرمی بشینجی فستیوالین اجراییندان قاباق اؤلدو. ویلارین اؤلوموندن سونرا ۱۹۸۵-نجی ایلده "آلن گرومیک" فستیوالین یئنی اجرایی اولاراق سئچیلدی. هر ایمل مختلف اؤلکه لردن، موسیقی و یئرلی تئاتر

دسته لری بو فستیوالا یول تاپیرلار. بو گروهلار اؤز ملی نمایشلرینی اجرا اتمکله یاناشی، باشقا خلقلرین اینجه صنعتی ایله ده تانیش اولورلار. آوینیون فستیوالی نین موسیقی بؤلومونده دونیا اؤلکه لریندن مختلف گروهلار اشتراک ائدییرلر کی بونلار اؤز چیخیشلاریندا اوپرا، کنسرت و ملی موسیقی اجرا ائده جک لر. بو ایل، ایران موسیقی سینه اهمیت وئرلیدیگینه گؤره، اؤلکه میزدن بیر نتیجه ملی و یئرلی موسیقی دسته سی چیخیش ائده جک لر. قیرخ دؤردونجو بین الملل آوینیون فستیوالی نین موسیقی بؤلومونده اشتراک ائده ن ایرانلی گروهلارین آدلاری بئله دیر: آذربایجان عاشیقلاری، بلوچستان، بندر، لورستان، کوردوستان، ساری، تورکمن و خراسانین یئرلی موسیقی دسته لری، بونلاردان علاوه تانیمیش خواننده "شهرناظری" شمس گروهو ایله بو فستیوالدا چیخیش ائده جک. و آوینیون فستیوالی نین تئاتر بؤلومونده "هاشم فیاض" رهبرلیگینده کی تعزیه گروهو "حر"، "حمزه سیدالشهدانین شهادتی"، "حضرت ابولفضل (ع)" و "امام رضا (ع)" شییه لرینی اجرا ائده جک لر. (کر بلا حادثه سینه حصر ائدیلمیش موسیقی لی و حرکتلی شعر اوخوماغا تعزیه و شییه چیخارتماق دئییه رلر. بو گؤستری آماتور اویونچولار طرفیندن اجرا ائدییر) قولچاق تئاترینا ایسه، اوستاد "احمد خمسه ای" و اوستاد "علی اصغر احمد علی" رهبرلیگ ائده جکدیر. مقاله نین سونوندا قئید ائتمه لی بیک کی بو فستیوالدا اونلارلا موسیقی و تئاتر گؤستریلریندن باشقا، گؤرکملی سیاست و اینجه صنعت خادملری، او جمله دن فرانسه نین جمهور رئیس (فرانسوا متیران) دا اشتراک ائده جکدیر.

یازی حاققیندا ایستک و گؤروش لری نیزی بیزیمله پایلاشین.

[info@shafizadeh.net](mailto:info@shafizadeh.net) & [shafizadeh\\_f@yahoo.com](mailto:shafizadeh_f@yahoo.com)

- یازی نین عنوانی: آذربایجان عاشیقلاری و قیرخ دؤردونجو آوینیون فستیوالی
- یازان: صمد شفیع زاده
- یول نشریه سی - نؤمره ۱۴